



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Mirabilis historia de iuuene, per Angelum occiso, alijsq[ue] in speciem
damnis.

urn:nbn:de:hbz:466:1-45701

508 Cap. XLVI. Immatura aliquos innocentes, sed justa morte obire.

è seruitute in libertatem, è carcere in regnum transfert, immò
è terra in cælum? Nequaquam injuriam facit, sed maximi
amoris exhibet argumentum. Certè Matrem suam non odit
CHRISTVS, & tamen eam (quæ ratione temperamenti diutissi-
mè prouiuere quiuisset) mori voluit, vt è bello ad pacem, à la-
boribus ad mercedem, à pugnis ad præmium & coronam, eam
euocaret. Quòd ut perueniret Paulus alijsque Sancti, tam incen-
Rom. 7. 24: sis desiderijs cupuerunt dissolni, & de corpore mortis huins liberari.
Tantum abest injuriæ similitudo, vt etiam dilectionis indicium
censeatur, si animam tollat, cerui instar, Christum, tamquam
fontem aquarum viuentium, feruidissimè sicutem; aut etiam
alias peius perituram. Quod cùm ita sit, plurimùm errant,
qui casu acerbo allisi, aut in lethalem morbum lapsi, aiunt: *Huic*
quām me Angelus meus custos deseruit? Quasi Angelus custos, aut
non amet clientem, aut negligat, aut conseruare non possit. Po-
test omnino, & negligens non est, neque enim dormit umquam,
neque distrahitur, neque se occupat alio custodiendo; sed saepè
ex amore, saepè, ex Dei voluntate, permittit hominem periculis
vitæ, vt merendi præmia, vel luendi delicta habeat occasionem.
Saepè & ipso Dei mandato occidit hominem, ne peccet. Præstat
enim vel millies mori, quām Devum, non iam grauiter, sed vel
leuissimè offendere. Quis magis hominem amat, quām Angelus
hominis? non frater, non soror, non ipsa mater. Nullus tam
assidue nobiscum est pædagogus; nullus tam sedulò attendit Ar-
gus; nullus Deo nos adducere magis satagit. Quod si ergo ille
ipse mortem pupilli sui, aut certè hominis innocentis subinde
promovet, profectò indicium est amantis, nō odio persequentis.
Dabo historiam, quam etiam è vitis PP. recitat Albertus Pata-
vinus in hunc modum.

III.

Simplicis ingenij monachus vitam solitariam in Ægypto
Vitæ PP. I. 5. agebat, qui identidem Deum orando dicebat: DOMINE OSTE-
ex Albert. DE NOBIS IUDICIA TUA. Simplicium preces exaudit Deus;
Patauin. Do- minic. Passio. quare Angelum illi suum aliquando permissit vultu habituque
longæui senis apparere, qui eum per speciem visitantis comiter
inuitauit, vt secum alios, per erenum, Patres vellet adire, à qui-
bus salutanibus monitis imbuerentur, benedictionemque, de-
more,

Cap. XLVI. Immatura aliquos innocentes, sed justa morte obire. 589
more, referrent. Consensit facilè minimè malus Asceta. Itur post prolixam viam, se se tandem offert spelunca pòtiùs, quàm casa, regum tamen palatijs pretiosior. Dant signum ante fores, egreditur capularis senex, longâ cæsarie, hirsutâ barba, sed multa charitate vegetus, multa sanctitate diues, quare etiam hospitalitatis exercendæ occasione latus comibus eos verbis rogat, ut diuertant; introgessis pedes lauat, mensam, quàm potest lautissimè apparat; herbulas, radices, salem apponit, catinum ad nitorem repurgat, neque quidquam omittit eorum, quæ pertinebant ad sincerissimam humanitatem. Domi natam condiebant cœnam colloquia è cælo petita. Quod reliquum erat noctis, somno relictum est, & quieti. Sole reuecto, non sine osculo pacis dimissi sunt. Dum abirent, Angelus catinum, præcipuum hospitis supellecilem, clam secum abstulit. Quod cùm in via videret factum simplex ille, animo cœpit turbari, atque tacitis cogitationibus intra se se dicebat: *Eiquid accedit huic seni, ut præ vice charitatis, hospitiij, lautissimi loco, viro sanctissimo catinum vellet asportare?* Hæc eo cogitante, superuenit anhelo cursu eos asscutus spiritualis filius, aut discipulus Eremitæ nocturni hospitis, qui catinum cùm abesse cerneret, eum missio post illos hoc nuntio repetivit. Inquietus igitur iuuenis: *Reddite catinum, quem sustulisti vobiscum.* Cui Angelus, *Ante nos est, cui eum dedi, aiebat, Veni & recipe eum.* Adhibuit verbis fidem nuntius, quem haud diu vñà ambulantem impulit ex improviso Angelus per immane præcipitium, ut fœdè confractis omnibus membris, momento miserè expiraret. Quod vbi rursus conspexit simplex ille Monachus, expalluit, & animo grauissime offensus ita secum est locutus: *Heu mihi, quid contigit mali homini tam bono?* Nempe non sufficiebat illi catinum subduxisse, etiam charissimum illius pignus interfecimus? quod crudelius factum potuit excogitari? furtum homicidio cumulatur? Etiamne Deus ista permittit, & bonus vocatur? Aucta est hæc sollicitudo tertio inde die, quo in alia cella senem longè moribus aliud repererunt, duobus discipulis stipatum. Alijs quippe ab eo verbis salutati, alia ratione accepti sunt. Cùm enim aduenientes è superiori fenestra interrogasset: *Qui nam essent, aut cuius rei gratia id loci versarentur?* demissimè respon-

310 Cap. XLVI. Immatura aliquos innocentes, sed justa morte obire.
derunt, fatigatos se prolixa via adesse, benedictone m̄quē illius
flagitare, & salutarem cupere audire exhortationem. At ille,
truci barbarōque mandato, exesse eos actutum jubet, non sibi
nunc vacare. Instant, & oppidō se se delassatos de via esse, etiā
atq; etiam vt suscipiat rogant. Ille autem nihil motus, quasi caute
in pectore gereret, abscedere eos ocyūs iubet, insuperque verbis
asperis, tamquam vagos errores, increpat; manereque, post
hac domi in cella, non foris circumcursare jubet. Verūm ipsi
vel patientiā diuersorum meriti, tertio flagitant vnius noctis
hospitium, cūm & vespera sit diei, & periculum à feris immi
neat, sub dio mansuris. Expugnata tandem hominis duritia est,
sed ea condicione annuit, vt non nisi in angulum aliquem sta
buli à discipulo abducerentur. In stabulo igitur, apud asellum,
foli absque alloquo relicti, vt hospites ingrati, nocte jam se se
intendente rogarunt, vel modicum lucernæ sibi lumen ministra
ri, ad locum cubandi explorandum. Negatum est & istud, Ita
rum post semihorulam, vel ob Dei amorem, pauxillum aquæ sibi
porrigi petierunt. Ad quam vocem discipulorum alter motus,
& aquam, & aliquid panis de suo illis dimenso attrulit, impensè
rogitans, ne id Abbas resciret; quem immittem sciueraſt esse at
que immisericordem. Ita haud sanè lautè refectis, tota nocte
humī, sine folijs, sine stramine cubandum fuit. Vicina jam erat
dies, cūm Angelus juniori ad se vocato dixit, se habere, quod
Abbati pro gratia hospitij offerret, si quidem eius compellandi
daretur facultas. Quod vbi ē superiore loco audiuit suspicax
& attentus senex, accipiendi spe descendit, catinoque, à sancto
illo priore sene furtim ablato, remuneratus, ire eos vias suas jus
fit; ac se mox, ne salute vteriū data, in domum suam reclusit.
Quid putatis hic simplicem his tam mirabilibus rebus visis au
ditisque cogitasse? quos motus, quas turbas animi sensisse? Non
potuit rem diutius dissimulare; erupit in verba diu preffa indig
natio. Quia enim nesciebat, Angelum esse, qui hæc fecerat,
cum magna vehementia dixit. Faceſſe hinc, non enim amplius pos
ſum tecum ambulare. Nam ecce quans atrocias fecisti illi sancto, qui
tanta nos charitate complexus, amicissime habuit! catinum ei clepſi
ſti, Filium eius innocentem naſo duclitum in præcepſ, & exitium egisti;
Et nunc

Cap. XLVII. Immatura aliquos innocentes, sed justa morte obire. 512
& nunc male de nobis meritum, pessimum istum hominem, qui nec
DEVM timet, nec humanitatem colit, eodem catino locupletasti: vel
sapere te parum oportet, vel esse patronum flagitiosorum. Dixit, &
vultum auertit, aliò abiturus. Sed lacinia prehensum Angelus
retraxit. Nonnè tu, inquietus, apud DEVM supplicasti, ut judi-
cia sua tibi demonstraret? Ad ea monstranda ego missus sum. Ea
igitur intellige. Catinus, fidei erat non bone; non decebat ergo, ut ma-
lum apud tam bonum virum maneret. Itaq; translatus est ad malum,
ut haberet qualemcumq; exiguum operum suorum mercedem. Fi-
lium autem illum idcirco innocentem interfeci, quia proxima nocte
ipse Patrem suum interfecisset, atq; ita beneficium uno facto exhibui
duobus. Hæc vbi simplex audiuit, in terram se ad pedes Angeli
abjecit, veniam precatus sui erroris. Precantis ex oculis Ange-
lus euanuit, non euanuit tamen è memoria. Statuit enim post-
hac de nullius morte sinistrum aliquid, contra Dei judicia, co-
gitare. Siquidem intelligebat, non solum differri, in seram
ætatem, quorundam mortem, ut tandem pœnitentiam agant,
sed etiam mortem in multis accelerari, ne agant pœnitenda.

Quod simplex iste ab Angelo didicit, vtinam discant etiam
Mundi sapientes. Ad hoc enim in oculis Eremitæ occisus est
adolescens, vt esset in diuinæ prouidentiæ exemplum; quin eti-
am ut ipsi via occluderetur, quia in malum erat iturus. Placens
Deo factus est dilectus, & viuens inter peccatores translatus est, raptus *Sap. 4. 10;*
est, ne malitia mutaret intellectum eius, aut ne fictio deciperet ani-
mam illius. Quo loco S. Spiritus ostendit multis hominibus ho-
minem modicæ ætatis, sed studiosum, si à vita discedat, non an-
te tempus obire. Quia innocens numquam immaturus est cælo,
quare quandcumque moriatur, non est mors intempestiva. Si-
quidem, iustus, si morte præoccupatus fuerit, in refrigerio erit. Ne-
mo æstuans sibi queritur, se frigido & optato haustu nimis ci-
tò refrigerari. Parato motu mors non est inopina; optanti mo-
ri, non est ingrata. Ideò ait: *Anima mea in manibus meis semper:* *Psal. 118. 109;*
hoc est, vitam meam semper in manibus fero, vt eam ad nutum
Domino meo offeram, quem prauideo in conspectu meo semper, & *Psal. 15. 8;*
adeò habeo familiarem mortis meditationem, vt ei obuiam eam,
nedum ut illa me occupet. Narrat Holcot, quemdam eruditū *Holcot. lefe-*
homi. 47. in sap.

IV.